



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Liutprandi Ticinensis Diaconi Opusculum, De Vitis
Romanorum Pontificum**

Liutprandus <Cremonensis>

Moguntiae, 1602

LXII. Pelagius.

urn:nbn:de:hbz:466:1-11115

lemnitas fuerit celebrata totius sanctificatio consecrationis implebitur. Si vero sanctuaria, qua habebat, ablata sint, rursus eorum repositione, & Missarum sollemnitate reuerentiam sanctificationis accipiet. I T E M. Ordine quoq; precum in celebratione Missarum nullo nos tempore nulla festiuitate habere diuersum, sed semper eodem tenore oblata DEO munera consecrare. I T E M, si quis non baptizauerit in nomine patris, & filii, & spiritus sancti, proiciatur extra Ecclesiam.

LXII.

A. D. LV.

PELAGIVS.

PELAGIVS, natione Romanus, ex patre Ioanne Vicario, sedit annos II. menses 10. dies 19. Hic, dum non essent Episcopi, qui eum deberent ordinare, ordinatus est à Ioanne Perusino, & à Bono Furentino, Episcopis, & ab Andrea Ostiensi presbytero. Ab huius autem communionem multi ex utroq; ordine religiosi viri se subtraxerunt: imponentes ei, quod in morte Vigilii tantis pœnis afflicti se immiscuit. Vnde Pelagius accepto libro Euangeliorum, & assumpta cruce, clero & populo in Ecclesia B. Petri congregatis, iuramento de prædicto crimine satisfecit, & omnium Romanorum assertione firmavit, vt nullus clericus precio quolibet aut promissione ad sacros ordines proueretur.

* *vigilio.*

Hic *Virgilio Episcopo direxit epistolam, in qua eum plener docet, & prudenter instruit, qualiter respondere & conuincere debeat hæreticos illos, qui gariunt patrem & filium vnum Deum esse non posse. Hic ordinavit Episcopos 49. presbyteros 26. diaconos 9. Obiit autem 6. nonas Martias.

LXIII.

A. DLIX.

IOANNES. III.

IOANNES, natione Romanus, ex patre Anastasio, sedit annos 12. menses II. dies 26. Hic amavit, & restituit cimiteria Sanctorum Martyrum, & constituit oblationes & luminaria ibidem per singulas Dominicas de Lateranis ministrari. HVIVS temporibus Narses à Romanis apud Iustinianum & Sophiam Augustam accusatus Longobardos ad occupandam & possidendam Italiam vocavit: qui non multo tempore post Romæ defunctus est. Hic vniuersis Germaniæ & Galliæ Episcopis epistolam decretalem transmissit, in qua eidentissima ratione & firmissima multorum auctoritate com-